



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

vii. De iuramento calumniæ.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

sis partibus, vel ab earum procuratoribus cum instrumentis de rato comparentibus vltro citroque præstator.

Et ita omneis principales personæ in primo *1. Inhærentes.* litis exordio iuramentum calumniæ fubeunto.

Totus tamen ordo clericalis ab hoc præstando immunis esto. Nemo enim episcopus, presbyter, clericus, abbas, monachus, vel sanctimonialis in quacunq; causa ciuili siue criminali iusiurandū quali bet ratione subire compellitor. Nemo episcopus Romano pont. nemo clericus prælato suo inconsulto iurare audeto. Si quis ecclesiæ suæ id expedire noscet: aliis idoneis defensoribus id officium delegato.

Idcirco monasteriorum abbates & fratres in *4. Imperatorum.* suis monasteriis æconomum de authoritate sui episcopi statuūto. Ipse pro his agito, petito, excipito, iuramentum de calumnia, cum necessarium erit, exhibeto. Ipsi præstare ne coguntor. Sic nec religione adstricti aliena detinento, nec præstiti iuramenti defectu à causa sua decidunto.

Hodie verò inter quos clericos causa erit, ad *5. Cateris* veritatem eliciundam ab vtraque parte præstator. contraria consuetudine nihil iuuantor.

Episcopus quoque si cum alio pecuniariam *7. Cum in causa in prius.* causam habesit, & per seipsum litigabit: ab ipso propositis tantum, sed non tactis euangeliis exhibetor, sin per syndicum vel actorem litigabit: per eum præstator.

In quibus autem causis de ecclesiis, decumis, & *2. Literas* rebus aliis spiritualibus tantum agetur, iuramē-

De Dilationibus

tum calumniæ nec dator nec recipitor.

7. *θεμ.α.*
pena.

Alioquin eorum, qui de calumnia iuramentum, cum præstandum erit, recusassint, hæc pena esto. actor ab instituta actione cadito, reus pro confesso habetor.

3. *In per-*
tractan-
dis.

Hoc tamen non passim in pertractandis causis exhibetor. Causæ & personarum qualitate inspecta quandoque per ipsas principales personas, quandoque per œconomos, qui causam omnino non nesciant, in animam iurantis præstator.

De dilationibus. Tit. 8.

Oblato ab actore libello, reo, antequam respondeat, si petet, induciæ deliberatoriæ ceduntor.

3. *Litera.*

Non tamen, si contra quem certæ petitionis libellus editus erit, generalitate ex abundanti adiecta, eaque aduersario petente expressa, quasi libello propterea mutato longiores olli ad deliberandum induciæ dantor.

2. *Præ-*
terea.

Sed & qui ad iudicium legitimè conuocatus ex literarum citatoriarum tenore ipsi transmissio plenè super eo, de quo in iudicio conuenitur, erit, esse poterit instructus, huic induciæ deliberatoriæ ne indulgentor. ad examinationem causæ proceditor. finis ei debitus imponitor.

4. *Expo-*
suit.

Ardua tamen causa si erit, ut primatiæ, & aliorum consilium requiret, reumque post euocationem etiam peremptoriam pro publica impeditum fuisse utilitate constabit, nec tempus habuerit, in quo ad utrumque paratus veniret: per-